

- 1 wa-rbbi tgħit rbbi-nu,
 nkrġ zikk ar-srk-siggilġ.
 ul-inu inġa-t irifi-nnk,
 zund akal iqqurn s-irifi.
 tġaša ddat-inu s-umarg-nnk,
 zund illi ur-jju-kkin-waman.
- 2 riġ a-n-dik-iliġ ġ-udġar-nnk,
 ssmaqqlġ ġin taħkimt l-lmjd-nnk.
- 3 ujadġ a-k-tmjjadġ a-rbbi,
 ha-tayri-nnk tuf dari tudrt,
- 4 ra-k-talġġ kullu ma-rad-ddrġ,
 mdiġ-ak-n ifassn żżallġ.
- 5 temmrt ul-inu s-lħir-nnk.
 asiġ-ak amarg-ad s-lfrħ.
- 6 ktiġ-k-id ġ-tizgag n-iyd.
 kiyi a-ġ-a-swingimġ ġ-tisi.
- 7 kiyi a-igan leawan-inu,
 d-umalu-nnk a-ġ-a-ttirirġ.
- 8 ul-inu iġwi bdda gik,
 d-ufus-nnk a-yyi-bdda-yusin.
- 9 ġwilli-yyi-inuwwan s-lhalak,
 ra-n-tyawgarn s-tdrut n-wakal,
- 10 rad-ċrn ġ-imig ššn-tn-uwššann.
- 11 ifrħ-ugllid s-mayd iskr rbbi,
 alġn-k ġwilli uqqrnin ism-nnk.
 fssan ġwilli flak sskirkisnin.